




**Nungkaran ngeenan rights ingan
Queensland'ngan wiy nintang
weengan nath piikiw?**



Blue wik an

Wiyen words ingan wik kath aniya **blue** a **bold**.

Ngan yumpnan ngeenan anan blue a bold wik an waa'antan.

Ma'aathayan ilantangan wik kath



Nint kaangk uwan thon ngan ma'aathayanan nintang

- ngaantam ngeeyan inan wik kath
- Uwan putham wik kath.



Thownakan wik kath ilantangan ngulan.

Ngamp ngaantam ngeeynamp First Nations pamwanchan



Ngaantam ngeeynamp waa'antan ngan
kuchekngam pi'nan ngench thayanan ilantaman

**First Nations ngurrpan' Yalkang thakan,
Wik an a Keengknaman.**



First Nations ngurp aniya Aboriginal
a Torres Strait Islander ngurp.

Ilantaman ngeenan wik kath



Yotaman **rights** thampang.

Rights an yotamangan pi'ayan.




Inan wik kath aniya ilantaman rights alantan **kulangan** ingan Queensland ing.



Nintaniy kulangan wiy nath

- weeng nathan piik nintang



- weeng nathan mulath or piik nungkarangan kampan



- nintang piik'in puth nintan ma'aathan thonan wee'an nath thanangan piik'in.



Anan special rights an alantan kulangan ingan Queensland aniy waa'antan anan **Charter of Victims' Rights** an.



Anan charter alngan waa'an **services** ngeenan than **anmanan** yumpayan yipmam ma'aathayan nintang puth nint kulangan.



Services aniya

- anan thap-mungkan an



- anan court an



- Wiyan services ma'aathantan kulangan.

Anan charter pi'antan 5 wiywiyam inangan rights.

1 Services ngan anman nintang ma'aathayan rights nungkarakan




Yotan services ingan Queensland in kaangk ma'aathayan nintang if nint kulangan.



Services an **anman** ma'aathayan nintang anangan rights nungkarakan wiy nath

- anangan than part alantaman government



- than uwayan wukal alantaman government.

Services'ngan **anman** waa'aayan woyan nint wantinpalan ma'yalmathayan.

Services'ngan **anman ngangkang pi'ayan**
nintangan.



Ngangkang pi'an waa'antan anan services **anman**

- minyakam meenathan nungkarakam



- minam yotamantan

- fair wenyan yotamantan.



Services **anman** ngeeyayan nungkar.



Services **ngan ke'** meenathayan wik kath inaniy
nintangan wiy putha

- anan thap-mungkinan engkayan wik kath akan



- a court an engkayan wik kath akan



- nintan thowan anan services ngan kaangk
meenathayan wik kath nungkaraman.

2 Nint pi'nint rights ingan thaa'pant antangan



An nint uwan wik kath ilantaman ngeenan yumpayan ingan anan **wengkaaynan**.



Wengkaayan waa'antan anan thap-mungkinan uwayan wik kath alantaman crime yipmam meem ngeenan yumpin ang.



Nint ngul aniy wik kath uwan wee'an nath anan ngurp nintangan piik nint ke'aman meem nunang.



Nint ngul uwan wik katha nan ngeenan ngul yumpayan puthaman.



Yinangan ke', wiy nath ngurp wee'ngan piik nintang


- thowin thanan yumpin crime an



- jail'ak mo'aayan keengk keengk court akan



- Jail anpala pentow keengk keengk court anul.



Puth anan ngurp wee'an nath nintangan piik an
ke'am jail'angan than **anman** monkan wakayan
 rules anang yipmam ma'aathayan nintang safe
 pi'ayan.



Nint ngul wik kath uwan ilantaman

- court angan nyiinan



- anan reason ngaantaman ngeeyayan alantan
 services yumpayan.

3 Nungkaran rights wiy nath nint court akan wenyang




Nint yaaka kaangk waa'an court'antan ilantaman crime.



Yinangan ke'

- wantak ngurp alangan piik'in nintang



- ngeenan nint thathan anan crime an yumpin



- ngeenan nint meem ilantamany crime.

Wiy nath nint court akan wenyan an nint wik kathan uwan ilantaman



- an ngeenan yumpayan court angan

- nint ngeenan kaangk yumpayan court angan.



Nint kaangk puy nyiinan wiyantaman pamwanch
yipmam nintang ma'aathayan court'ngan nint
safe anman wunan.



Yinangan ke'

- anan ngurp wee'an nath nintang piik.



- pamwanch wee'ngan ma'pathathow ngurp
anan nintangan piik.

4 Nungkaran rights wiy court an thowayan anan ngurp wee'an nath piik nintang crime an yump



Wiy nath court an thowin anan ngurp wee'ngan piik nintang crime an yump, nint kaangk angan thee'an **victim impact statement ang.**



Victim impact statement an waa'antan nint waa'an court akan nint wantakan feel.



Nint kaangk engkan wik kath puthamakan wiy anan court'ngan kuchin ngurp anan nintang an piik jail'ak.



Yinangan ke'

- ngeen ngeen akan mo' ngurpaniy jail'ngan



- wiy nath ngurp an ya' mo' jail anpalan



- Wiy nath ngurpan pentiw jail anpalan.



An court an ngul thowow ngeen-ngeenakan ngurp
aniy wunow jail'angan.



Wiy than ngurpan thowan nintangan piik kaangk
pentow an jail anpalan.



Wiy nil ngurpan thowow jail anpalan pentow nintiy
kaangk thowana

- nint wantakan feel wiy nath ngurpan pentiw
jail anpalan



- ngeen ngan nintang ma'aathiw minaman safe
pi'iw puth ngurpan jail anpalan pent.

5 Nint pi'nint right an yipmam complaint an thee'an



Wiy nath service alngan **ke'am** ma'aathan nintang rights nungkarakan ang nint **complaint** thee'an.

A complaint an waa'antan when nint waa'an thant service alantan nint **ke'am** ngangk min



Services ngan ngul waa'aayan nint wantakan complaint yumpan.

Services ngan ngul waa'ow nungk ngeenan yumpayan next an.



Wee'ngan nath yumpow complaint an nungkar a if nint thowan an kan minang.



Yinangan ke'

- kampana
- a ngurrpa.



Putham wik kath



Puthamakan ma'aathnak yipmam
yumpaayan complaint an ingan thowan Office
of the Victims Commissioner akan.

Website



[www.victimscommissioner.qld.gov.au/
make-a-complaint/complaints-
questions-and-feedback](http://www.victimscommissioner.qld.gov.au/make-a-complaint/complaints-questions-and-feedback)



Call-iman 1300 546 587



Email contact@victimscommissioner.qld.gov.au



Nint wiy kaangk ma'aathayan english akan.

Ma'kerkan anan free Translating a Interpreting Services an or TIS yipmam nint phone call an yumpan.

Nint kaangk TIS antan thowan wik nungkaramang.



Call-iman 131 450

Thee'an thant TIS officer alantan anan phone number nintan kaangk call akan.

**Nint kaangk ma'aathnakan thownakan
or ngeeynakan**



Ma'kerkan anan National Relay Service yipmam phone call an yuman.

Nint anman yumpan iknakan services keengk-keengkang.



Website accesshub.gov.au/nrs-helpdesk



Call-iman 1800 555 660

[illegible]

[illegible]

[illegible]

Inan lat ililngan yumpin ingan April 2024 iknakan anan Easy English
lat yalmathin ilngan Scope (Aust) Ltd. Inan February 2024 yumpin
Picture Communication Symbols (PCS) an. PCS anang trademark
ilantaman Tobii Dynavox, LLC. Yotaman rights wunow. Yumpin inangan
permission. Inan lat anman ke' wiy-wiyantan sell'imnak. An maanyan
anman ke' yumpan permission ke'nangan. Puthamakan wik kath
ililantan maany ang, phone'ang thowan Scope ingan 1300 472 673
or iknakan thathan scopeaust.org.au angan